

八瓊室金石補正續編

檀山大覺院牒

高一尺五寸廣二尺十一行
正書在涑水西二十五里

尚書禮部

牒字一
十二分

易州涑水縣檀山村院僧惠性狀告本院自來別無名額已
納訖合着錢數乞立院名勘會是實須合給賜者

二行字
七分

牒奉

勅可持賜大覺禪院牒到准

勅故牒

大定三年正月拾伍日令史向昇主事安

牒行字三拾
中憲大

夫行負外部李

以上五行字
均經八九分

金大定三年正月十五日

郎

侍

中

郎

正奉大夫禮部尚書兼翰林學士承旨知制誥修國史

此行拵寫橫
徑一寸三分

二行字徑
一寸一分

甯國院牒并記

高三尺七寸廣二尺三寸上截少半刻牒十二行行字大小正行書皆不一下截刻記二十五行行二十六字行書

在順天東安坊
指村甯國寺

勅賜甯國院碑篆額題六字

尚書禮部 牒

北行字
經二寸

大興府安次縣□□村院僧□定狀告本院自來別無名額

□□院□□□是實須合給賜者

北二行字
經六分 牒奉

勅可特賜甯國院牒至准

勅故牒

大定三年二月十三日令史向昇主事安押

朝請大夫行太常丞權負外郎劉押

中憲大夫行負外郎李押

郎

中

侍

郎

正奉大夫禮部尚書兼翰林學士承旨知制誥修國史王

此行攝寫橫
廣三十一分

右
上
截

維大金國中都大興府安次縣惠化鄉雷犢村 闡國院碑

記

夫自三王而下至於周公仲尼皆得稱為聖人者無他以其

能垂世立教有益於斯民而已仲尼既沒歷數百年異人不
作迨於東漢永平間天竺之教始入中國其法去貪嗔癡以
除人之罪障修戒定惠以植人之善根考其立教之旨與夫
周公仲尼之道所謂殊塗而同歸始異而終一者也由是流
蔓四方愈久愈熾塔廟精舍徧於天下雖□家之聚亦皆繪
其象而□事之若嚴親焉由是言之佛之不可思議功德亦
可見□

方今聲教所加輻輳萬里上由萬雉之□□□於十室之邑
苟有佛宇而無名稱者皆得上請爰賜之額蓋將以□聖人
之教而厲釋氏之心又有以助吾治化者也京畿之大縣曰

安次其境有番犢聚者古精舍存焉其正殿宏敞基高數仞
詢之故老不知紀年其規摹簡朴蓋唐之舊加以叢林之秀
衆所依歸其邑里有大增越張忠勇者鳩率信士同心協力
上其狀於詞部因錫号曰窟國于是里人踴躍並生歡喜將
託斯文以傳不朽其邑僧祖壽來請銘於余乃銘之曰

□□□ 萬物出 聖人興 群生律 黃虞□ 周孔

迷 道德□ 仁義立 俾斯民 惠迪吉 天下□

能事畢 數百年 乃有佛 垂教旨 其歸一 推是

道 徧塵刹 一言蔽 五欲空 遵大路 由同轍

達彼岸 濟同筏 □□□ 動陰騰 善惡報 有成

說始精進 終解脫 廟象嚴 香火潔 名号崇
顯勝揭 毋不敬 疇敢褻 信士喜 衆生悅 銘之
曰 期不滅

當縣東關何

空五園

□空七

刻石

良鄉縣園業寺花嚴院講經沙門 利實書丹并

篆額

□大夫克翰林修撰同知 制誥著作□揚□仁

撰

大明寺碑

高五尺五寸廣二尺四寸七分二十行
行五十三字字徑八分行書在涑水

大金涑水大明寺碑 篆額題八字

大金易州涑水縣大明寺碑

朝奉大夫前行代州五臺縣令騎都尉隴西縣開國男食
邑三百戶賜紫金魚袋李 麟 撰

中散大夫行尚書刑部員外郎上騎都尉國農縣開國子
食邑五百戶賜紫金魚袋楊 邦基 書

中奉大夫禮部尚書兼翰林學士承 旨知 制誥修

國史上護軍太原郡侯王 競 篆額

金大定三年四月八日

佛道教人遷善遠臯蓋有通于世治前代以來未之或抑也
由是郡府郡邑靈壑山林之間在在處處靡不崇侈廬宇以
棲其徒然亦有隆替之異者何哉由得人不得人爾得人倡
導則衆伴能協基本能固道教能圖苟非其人雖欲切求三
事之集思可得邪徒來又多擅自營期淆混相半莫得而正
焉

國朝爰立新法有能匡攝而非官建及無舊據所授名者
計立屋楹數若干以為院若干以為寺許等第輸餼以給新
額用正其名要之非特設此務益公調蓋亦甄別人材俾
圖教法而有助于世治也惟是邑有是道場者由來遠矣經

始之迹莫詳所自按唐開元五年所造石像記刻乃開利寺
之遺緒也五代兵火之餘更為殘缺賴不乏人保護僧完延
曆于茲開利之名久而無聞□由闕地得石羅漢像凡十有
六軀故是院也以羅漢名之因而莫更先是祖德詎克盡紀略
姑自去遼大安間有耆宿曰德敬作新佛宇著厥勞績逮
本朝有傳戒悟寂大德善常勸校大師思□清源長老圓略
講論法師歸成此四人者号稱龍象迭為持護由茲以降迄
今上首善聰自餘尊德善琪善才率諸居徒一乃心力共濟
美利土木之功綽有加焉故叱盧釋迦二大殿南北對峙觀
音堂賢聖位列為肘掖饗廚賓次以居于左鐘閣門欄以處

乎右至於徒侶宴息之寮錢穀弄藏之室簷椽相接翼翼周
環計之足及為寺之格衆論僉諧應數飛蚨往以 上請用
錫是號又請禮部尚書王公競為書其額製榜高揭振耀
一時非特彼徒慶快榮光抑大為十方信士歡喜讚嘆以茲
歸嚮意然後知佛之為道長明而不暄也具道始末屬余誌
之不獨銜其空言為之夸說又將俾爾儆戒自懼守而勿替
命工鏡石以永昭示其詞曰

天懸日月 是謂大明 張皇寶刹 取象 錫

名 惟佛之道 可兩曜并 宜為徒者 力贊

運行 茲實得人 居上首位 與衆協心 同修善

利制作增新 莊嚴壯麗 未媿前人 衡山所置

佗山之石 礮之作碑 載實其迹 匪誣厥辭

既辱榮幸 亦倣修持 緲綿作炳 垂示無期

大定三年四月八日寺主沙門善定等建

普照院記

高二尺四寸五分廣一尺四寸五分十七行行三十至三十四字不等正書在永清信安鎮龍泉寺

勅賜普照禪院

蓋聞西方之教來自漢明帝釋之宮興於梁武故聖人憫悼衆生欲令觀相廣闢方便門行像教於世俾閻浮提漸而染之厥後在在齷齪或塑其像或繪其容足有歸依者哉切以永清縣南五十有五里曰南信安有古佛刹幾經墜廢不知何年皆曰王若卞耶耶施地初建又至大康年分王孝之耶耶重建後至天眷元年有比國去憂上人與其徒衆躬率檀那經之營之再建法堂一生中繪毗盧四智佛像兩之十

六高僧又於西北隅特建土地堂一所及僧房十五餘間皆以五彩彰施七寶嚴飾究其所產堂東有井一所內出甘泉可供十方之衆院內家菓一百餘株四向園林鬱鬱蔥蔥對影交陰曉暝寒煙暮籠翠靄諸方未有其比於茲福地建立叢林豈不宜哉是以內居清衆一蓋約近二十人外貫檀那四顧方周數伯戶冬宣大教興利他之悲夏坐安居起自利之行禪講兩全性相俱備起衆雖圓奈無名額至大定壬午歲有當今

聖明仁孝皇帝至明至聖御圖秉籙法政施仁憫滿國佛刹未有名額者降普天

恩宣施寺号此院 特賜普照禪院之名永為修行道場之
會內有院主住持之僧慈公者悲心廣大利益彌深恒懷屈
已之心每抱利他之念率內外眾共讚

皇恩處非小緣難任嘉号眾皆議曰若非刊石恐有泯絕遂
乃刻石一時留名万代永為不朽 僕雖寡陋奈託翹誠難
辭以諾因其本末附而傳之

侯邦達撰 刊石李文選

大定三年歲次癸未十月戊午朔十六日癸酉庚時建

里人清河張子春書

石兩旁各有重書立石題字搨者未盡加墨

靈崑院牒并僧俗題名

高三尺五寸廣二尺三寸五分上載牒十三行行字多寡
大小正行不一下裁右上行四行下列十一行左十一行
行字均不一字徑五分
至七分正書在唐縣

重修靈巖院記

篆額

尚書禮部牒

定州唐縣嫌薄村住院僧洪昇狀告本院自來別無名額
已納訖合着錢數乞立靈崑院勘會是實須合給賜者

牒奉

勅可特賜靈崑院牒至准

勅故牒

大定肆年

參月

日令史向昇押主事安

做權宮

押

奉議大夫行太常博士權負外郎劉

押

中散大夫行負外郎李

宣威將軍郎中耶律

侍

郎

中奉大夫禮部尚書兼翰林學士承旨知制誥修國史王

右
上
載

院眾列名

興師法嗣昇公長老

淨公長老

晏公長老

右下截右
半第一列

慶祥無極縣清涼院廣佺

門人

慶圖蒲陰縣廣福院廣昭

道芳 廣義

廣遠

道福 廣澄

廣欽

道辯 廣遠

道壽 廣謹

道鑒 廣順

道普 廣遇

道宣 廣因

廣嚴 龐全

廣定

右下截右
半第二列

院子菜園墳地一段

東至崖西至李三翁南至分水北至分水 和元施到庄南

約一里山荒地一缺下東至分水西至劉安南至分水北至分

水認青苗貳畝

本村維那頭

進義副尉董立 進義副尉董冠 進義副尉王潤 和

福 蘇平 李干 李寬 劉安 劉興 邵牙推 王

立 董益 趙德 李岳 劉澄 □汶 邵昌

□家莊

進義副尉楊元男楊五郎 進義副尉楊玘 宋佺 王

禮 宋安 楊興 宋慶 宋興 李讓 宋進 李淵

宋定

普照院牒并記

廣二尺四寸上截高一尺二寸二分刻牒大小十三行
字不等下截高三尺四寸刻記二十四行行三十七至四
十字不一字徑八分正書
在行唐東十二里南莊村

尚書禮部牒

字徑二十

據真定府□□萬壽禪寺剃度僧子欽子完元平告爲行

唐縣玉山鄉使南庄村佛堂一所自來別無名額已納訖合

着錢數請買普照禪院名額勘會是實合行出給者此四行字

普照禪院名額

此二行字徑二十五分

大定參年□月□陸日今史向昇押主事安假權郭此五行字

奉直大夫行太常博士權負外郎劉

中憲大夫行負外郎李

宣威將軍郎中耶律

侍

以上四行字
廣一寸五分

中奉大夫禮部尚書兼翰林學士承旨知制誥修國史王

此行

撰寫長一尺七分
廣二寸三分

右
上
裁

大金國河北西路真定府行唐縣玉山鄉使南庄村

普照禪院碑記

竊聞氣肇顯於陰陽形始分於天地橐籥乎一化甄陶乎萬
類三才辯而日月明五穀熟而民人育後別九州以齊七政
昔茅草王之後經數千劫至於淨梵王淨梵王之子寔曰能

仁生而足知因遊四者之門憫見多惑之苦故行大乘利他
之行也添性海之波□廓法界之疆域非二三之乘也行慈
演法立數萬之正文入聖超凡顯百千之妙頌視之莫識其
指歸挹之罕測其涯際大哀曠濟拔滯溺之沉流一極悲心
整昏迷之失性闡大教於十方證全身於丈六□紹於金輪
王超四大而高視既證於如來體過十地以居尊其教也從
之者不迷於六□之中□者脫苦於三塗之下鷲巖西峙
象駕東馳皆欲達成四德趣樂土之園猷早淨六根□□
之□□當周穆王即位五十二載仲春十有五日酬因既畢
返本還原應波旬而命卒人天無不悲泣哀哉哀哉佛之去

也本死而不亡則無來無去不生不滅也然經河沙之劫有功德之大矣哉不可稱而不可量不可拘而不可約愈遠愈光致小大而無思不服也後至孝明帝永平七年間夢佛於殿庭興寤而論曰蓋化身而豈可罔哉故一王信心比屋好善而後而今其行不朽矣有其經論也紀諸佛降靈之際傳其相貌也感率土懷敬於心東流震旦幾四千年傳習教之久矣

今皇帝開法請之教原暢佛慧之園略致大邦畏而小邦懷遠者來而近者悅澤被四海仁及草木休風翔於八表美道奉於三無明口門之日稟四聰之德遂使群生向善誦經論

四千餘軸歷年永保同天地長久之美致內平而外成得口
清而海晏莫不從善教而至焉故偏行

覃恩立此以爲普照禪院爲名額豈曰小補哉感十方信士
傾心而向翹首而觀今生於敬仰免有於謬譎者也此間皆
在家孝於二親歸寺崇於三寶其寺者先去九墳精藍後建
東枕古河彎環浸挾龍之岫西連遠墅依佈接王母之峯南
及所屬之縣名曰行唐舊城仍在廟藏 五嶽之尊古跡

而來時越千齡之數北附卧龍之崗飛雲茂靄上連叢葉之
山喬木多生下接肥濃之地如此四達之境可拭目而觀之
矣今也岷興妙會之緣皆使瞻依之樂故銘碑論古立石談

今致永永而不朽哉

大定五年三月奠生五葉立石

進士李邦彥撰

仇之用書 李又刊石

住持沙門僧子欽同住持僧子完同住持僧元平 門

人僧義宣 義圓 義通 村眾維那頭等姓名如

後一 賈五戒 張小大 戎小大 趙小二 趙二

公 芥小大 楊郎 董三哥解大哥解二哥甄元張

明張貴張廉

馬鞍山慧聚寺僧圓拱碑銘

高六尺廣二尺九寸二十四行行五十
六字字徑八分行書在涿州清涼寺

馬鞍山通妙大師之碑

篆額

大金中都馬鞍山慧聚寺第五代門嗣通妙大師塔碑銘

并序

奉政大夫充翰林修撰同知 制誥蔡珪撰

通議大夫守吏部尚書廣陵郡侯高衍書并篆額

昔普賢老人在遼中葉居燕之馬鞍山得梁誌公貳本於異
人之手宣揚園持道著遠近緣法之廣度衆萬億是為茲山
之第一祖其意蓋欲提挈羣生同入佛地雖草木之微霑我
法雨無不承恩力者於是四方之人皆以鞍山為真歸依處

如禪之宗曹溪教之祖天台餘莫及焉普賢既沒遼主命以
戒本付其上足窺師俾嗣傳之至通妙大師四傳矣其師承
淵源如此則其人可知已師諱圓拱字德明姓蘇氏世家范
陽之西馮里幼有至性不喜俗閒居每求出家父母族黨愛
之不即許稍長懇懇不已竟依智度寺保上人執弟子礼年
二十以明經受具足戒既而一瓶一鉢去之雲中居方廣大
經講肆者五年研蹟奧義為衆稱服業成而歸西州道人有
易東之歎焉天會中數夏講於此山寶峰院大叅韓潘公昉
偶至其所聞師法音歎未曾有明日邀師飯于安集寺右僧
錄延洪祥師時亦在焉韓公欲師與祥商推宗旨師以晚進

退讓再四不得已從之揮麈終日聽者忘倦二公喜曰之子才辯冠三學矣韓公它日過祐國佛覺大禪師警師之能因曰融通禪教不滯不拘圭峰吾不得而見之得見斯人足矣自尔名振京師左僧錄覺山方師聞之引致座下深承印可學徒質問疑義者每令就師剖析之聲實日彰應者千里久之復趨鞍山第三代傳戒敏師會中以師礼事之敏知師法器乃於化度精舍集兩街耆宿俾師升堂演法為經筵師繼居開泰華嚴等寺又往來咸平會園之間作人天眼施大利益弟四代傳戒文悟銖師以師名德次當補處每分半座待之天德五年春銖告老命師嗣世且召其兄香林柔禪師使

為證明傳授之際作大佛事者六日瑞光煥發道俗驚異以為冥契諸聖感應之祥師所至之靈眾從之者常數千指雖舍宇牢落初無所擇少焉廢者復壞者完齋魚粥鼓用度需然人方傾仰則捨之而去矣正隆初師以既老且倦徇少府監金吾李侯常之請得福勝院居之地因人興遂成名刹已而以院事授其門人宣徽大德行遠燕颺超然退藏於密盡捨所有分施諸方餘波之廣逮及孤貧悉無遺者大定格行凡經業得度者許改受服号故人賓客同請命于有司得通妙師名且製紫方袍奉之師笑曰吾無心欲此口以無心受之於吾何有哉人益服其高焉三年春正月示疾自謂時至

召行遠等喻以世緣囑之後事二十八日既夕澡身潔衣而
逝世壽六十二僧夏四十二專講授者二十年主戒法者十
年平生所居道場無慮五十所傳法稟受分為人師者蓋百
餘人而行遠者為其上首火化之日送者悲慕巷無居人是
年四月十三日樹塔奠于涿州之東清涼院從遺命也既葬
遠等以謂山門諸祖世有豐碑以昭懿行垂之無窮乃磐石
塔下以文未告珪珪既叙其事以五字偈為之銘曰

稽首通妙師 具足菩薩行 義天星炳炳 學海波洋

洋 能仁道能圓 是為真龍象 後身維摩詰 時現

宰官身 諦觀法王法 心生大歡喜 神交默相契

揚譽乃四馳 三乘有津梁 學者所依怙 度歲六十
二 度人數無邊 水月鏡口中 無生亦無滅 金碧
巖塔廟 灰散四山頭 於師涅槃後 一毫無損益
何況碑之石 刻此文字空 大衆悉當知 於此有一
事 衆生去佛遠 信心漸亦微 見師宰堵波 因敬
生悟入 與師利物意 自謂無所別 欲觀是碑者
當作如是觀

大定五年三月望日門人提點鞍山智度兩寺宣徽大德
賜紫沙門行遠立
石經寺僧義歲刻

開元寺重修圓照塔記

高七尺八寸四分廣三尺五寸二十八
行行七十五字字徑一寸正書在邢臺

重修圓照塔記

篆額

大金邢州開元寺重修圓照塔記

文林郎行沃州贊皇縣主簿兼縣尉劉仲尹撰
襄國醫學博士張天祿書丹

安陽閻莊篆額

鶩水沮孝恭任邑馮源廣同刊

以上皆在
第二行

道以濟物爲功教以連俗爲要嗟庠浮屠氏之教施之於世
其所以建大功德作大因緣警厲群心鼓揚諸瀆偉矣哉宏

金大定五年八月十七日

開方便之門廣闊圓通之路津梁庶彙普逃色幻之空軌躅
群邪共入寶花之妙易苦海爲甘露變炎劫於青蓮雖曰爲
善不同要之乎同歸於治則又焉得謂之無補於教化也歟
夫其教之興也肇自周昭王時按古今述異記云當是時也
國有瑞氣洞貫丹霄周太史蘇繇陳於王曰西域當有聖人
生其教千載之後則入於中國矣而後東漢永平間歲在甲
子果有金人形於帝夢帝意感異因傳毅王遵之言明帝遂
加篤信遣使天竺求素遺像及諸梵法至月支而遇藤蘭輩
因以迎歸加之數譯其法遂著自茲而後東漸於海矣迨至
梁唐枝派愈熾武帝則大通季開分朝之暇數幸同泰躬升

灑座爲四部衆說金字摩訶般若經義太宗則貞觀年間下詔爲戰陣處崇立閣寺仍命虞世南李伯藥褚遂良岑文本顏師古許敬宗朱子奢等六人分爲碑銘以至四方風動競廣福田交構蓮宮聚爲寶塔塔之爲說也以佛經論之則與佛偕興梵音云窅堵波其義蓋言其高顯今舉其大者而言之阿育起於白馬之中則見之於釋論澄觀立於清淮之上則得之於儒書論其所以大意則不過使一切具瞻共生正信想象于聖音容之所現恍惚于諸天威神之所接較之功力則不爲不多矣今邢州開元寺大圓照塔者斯塔之初也寺僧相傳及殘碑所紀大略云有僧文籍鄙諺號之曰皮

裴道者大舉據實而言之也衡漳之間一人而已自定武踰
恒山擁徒而南道過於邢時有文殊院主法僧明則稔習道
者之戒行乃白於伊徒曰必欲求功德主假道力以終事捨
斯人而奚擇哉乃率其徒以塔緣恭請於道者道者乃揚眉
豎拂而言曰汝豈不晤金剛經云若人以音聲求我若人以
色見我是人行邪道不能見如來汝何誘我以有相之事乎
明則徐應之曰不然道者豈不欲推惠心於塵劫假妙手於
法輪哉道者亦將以有相爲有乎道者喜其通慧因諾其請
駐錫而爲之立緣然猶罄力殫誠始自寶元至於嘉祐積有
年矣方見涯涘而後至和紀元間爲風雨摧圮柱棟不支幾

至敬撓有主僧棲韞者雖欲繕葺自相緣輕迺請普賢院講
經沙門師安及廣平郡律師用實者全力贊成至嘉祐七年
大緣復集工像方完塔之初簷以泥金斗帳貯以大聖尊儀
故塔之勝名曰大聖宋元豐三年而刻石焉大觀三祀秋八
月己亥宋詔復改名曰圓照爾後政遷俗變屬宋之殘廢易
緇衣崇尚黃冠法道淪夷龍門凋瘵而塔焉能獨固哉迨自
我國家啓運之初化行代虐道契無爲雖寺僧稍稍復集而
塔之僅存者獨有其遺基敗棟而已率皆赤白漫漶簷甍崩
漏其何以稱萬日之觀哉噫嘻法緣廢興亦有陰數茲者宣
公上人心觀玲瓏慧根明澈洞六法之淵源精五門之旨趣

深恐道緣輕墜聖法難崇而乃發布金之至願摠求賢之堅
誠載集良工一新勝事莫不文塼城獸勢奪妙高紺瓦鋪蓮
樣模兜率跨簷楹於天際倚檀栴於雲間輪相搖金披崇朝
之海日鈴音碎玉撼永晝之松風恍矣神功寄之塵境可謂
繪染竭戈時之妙裝巖極四海之妍夜梵起於層稜聲聞三
界晨香泛於口級芬動九天應使神物護持靈心顧設而又
鵲巖西揭接太行萬仞之秋鷓水東流顯襄國四平之勝南
望乎惠陽之故墟北瞰乎栢林之舊跡一方雄觀千劫聖緣
落成之日士庶駢羅香花散雨師復念其塔之載修今已三
數迺遠視而嘆曰若不確貞石以識其始末則何以永傳於

後哉因求文於士夫之輩於斯之際下走方以職事處沃之
屬寓跡穆壇雖沃之與邢其封相接而聞師之行而未覲師
之法觀何其偶耳而適以家府自沃之鄆邑移宰唐山以事
趨州而暇日好談空多與僧流接因與師有舊邂逅掛及俗
累因舉下走而言之無何數月之間則塔緣告畢師亦不揣
其孤陋獨以其羊面之私迺見祝於斯文辭之再三義不獲
已今勉強敘其歲時之實其於發揚妙理微美大緣斯所謂
圓覺經云若人以思惟心測量圓覺妙旨是由舉螢火而焚
須弥山耳誠亦不免於識者謂焉因復以俚語而為之銘曰
昔在西域 挺生聖人 智謝五蘊 慧逃六塵 足履

覺岸 舌推法輪 引物歸正 化俗即真 千載而後

教始東至 行之如流 歸者如市 象形旃檀 神顯舍

利 使諸衆生 享此福事 茲者宣公 寶塔是崇 資

以道力 假之神功 彫鏤竭盡 高虛慧空 是宰堵波

與法俱洪 陵谷可變 江湖可窮 劫火飛烈而確乎

處中

此行低
五格起

大定五年歲次乙酉八月丁丑朔十七日癸巳邢州開元

寺東石壁院重修塔功德主管內都僧正特授廣明大德

傳戒講經律論沙門 洪宣

儒林郎安國軍節度判官兼觀察判官邊 元

鼎

此行首空十三格行間展格末二字與上一行洪宣字齊

信武將軍安國軍節度副使兼邢州管内觀察副使

蕭

蒲連

此行首空十二格餘同上

宣威將軍同知安國軍節度使兼邢州管内觀察使

事上騎都尉金源縣開國子食邑五百戶完顏行首

同上末顏字與上行蕭字齊

金吾衛上將軍安國軍節度使兼邢州管内觀察使上

護軍彭城郡開國侯食邑一千戶食實封一百戶唐括

李骨的

行首空十一格末與上四行齊

同勸緣弥勒院管勾塔主僧

祖靖立石

此行在沙門洪宣下

格空
起一

普濟院牒并題名

石連額高四尺四寸五分廣二尺三寸上截牒十三行行字不一下截題名偏左三行偏右六行字徑八分正書

勅賜普濟之院

正書行字徑三寸餘

尚書禮部牒

字徑二寸

尚書戶部差委京兆府發賣所據同州澄城縣甘泉鄉永內社住佛堂尼惠秀文彥定應連名狀告見住佛堂自來別無名額已納訖合着錢壹佰貫文乞立普濟院名額勘會是實須合給賜者

字徑四分

牒奉

勅可特賜普濟院牒至准

勅故牒

字徑寸餘至二寸餘不一

大定四年十月二十七日令史向昇

押

主事開權馮

押

四字分徑

奉議大夫行太常博士權負外郎劉

押

中散大夫行負外郎李

宣威將軍郎中耶律

侍

郎

通奉大夫禮部尚書兼翰林學士承旨闕

以上在上載

承信校尉行同州澄城縣尉飛騎尉杜

承奉郎行同州澄城縣主簿飛騎尉賜緋魚袋楊
敦信校尉行同州澄城縣令飛騎尉耶律

以上在左
截偏左

祖師歿故尼 了玆 小師 法賢 法遠 法立

歿故 惠濟 惠江 惠潭 惠秀 道沂

道學 道雲 文佺 文顯 文彥

住持北園尼 定應 智通 雲愈

大定八年五月初九日立牌 石匠党 其

本社邑衆等程万 李安 王具 孫興 張思忠

以上在右
以下在左



董儀造石香炉記

高六寸餘廣三寸八分六行行十字字徑五六分正書在唐縣西大羊店三官廟

西大口口口

伏為特發願心口

五道廟內口口造石香炉壹座永為供口口養

時大定八年壬戌月 日

謹獻維那頭董儀口

金大定八年九月

白士巖墳碑記

高一尺六寸八面廣三寸餘與二寸餘相間記六面四行
三行又第七面二行行十六字題名二行又末一面三行

字均徑六分正書在
良鄉劉李村天仙廟

大金國中都大興府良鄉縣金山鄉劉李里白士巖碑記

竊聞五行之內金乃為先萬物之中人實最貴惟公姓白諱

去巖家世大興府良鄉縣口山鄉劉李里久居人也父承公崇

祖父口口推孝悌之誠生而精粹長自聰明性口志惡射思

負奇機謀異眾舉錯絕倫積口化惡輸財濟貧誦持佛教克

敬常存以口口門辟難未曾非異同蹈非禮勿循如口口未

口多能不可備記公前娶祖氏既沒口口李氏當里人也能

奉姻親克供祭祀。口家以儉德訓子以義方可揚清潔之名。
口口年八十有六卒於大定八年十月廿口口口遷葬於西
北之新墳焉。公每治生之口口口惟寅寒暑不避自勞於已
悅使其口口口口口不廢耕耒未嘗奢侈畢至三闕六之所
聞見也有妹弟三有口口各適名家有子三有孫子三有孫
女口口口孝思不口善繼惟次子整奉爲口口口考思口
其恩命淵再三爲之僕自口不能計無可託強勉成文豈肯
以虛飾口詞口撮其事以摭實而言也庶使後嗣一覽而可
知也用立名碣以祈多福可以功垂廣博名播無窮聊紀其
事云爾

有妹第三人 長趙 次劉 又次孫 有女一人大

姐 有子三人 長子故天畝 妻張氏次子整 妻

孟氏 又次子瓊 妻趙氏 有孫子三氏 長初

孫 妻婁氏次口口 畝孫有孫女三人 長揚師

姑係李氏次壽哥又次春哥

昔大定八年歲次戊子癸亥月癸酉口坤時次子整特建

弟瓊同建

竹林寺僧善照碑銘

高二尺六寸三分廣一尺七寸八分二
十六行行三十九字字徑七分正書在

中都竹林禪寺堂頭懷鑑禪師碑銘

中議大夫中都路都轉運副使上騎都尉武威縣開國子
食邑五百戶賜紫金魚袋賈少冲撰

師瀋州章義人也姓馬氏法諱善照字懷鑑幼而聰悟長而
恬澹志慕釋氏父母不許強為之娶季十有九適去團山欲
禮宗主禪師為師其於途次夜夢入海得一七寶小山玲瓏
奇秀宗主聞而異之因命更名佛寶季廿有二復歸舊里時
以皇統普恩受具後再詣團山宗主師謂曰東京有佛曰圓

證和尚大振宗風汝往師之師然其言乃詣惠安投誠掛塔
晝夜咨叅雖未超證已得正脩行路時廣慧通理禪師初為
立僧以師為侍者嘗謂左右曰此子將為吾家大法器也及
廣慧之游方也師振衣而從之至南京慧林廣慧與定書記
□次定以文字數冊問廣慧此是多少廣慧曰這賊師聞之
忽有省趣及抵趙家山廣慧普訓學衆一一叩擊較其所見
優劣師探索其妙忘寢食者七日忽於中夜靈機曠發爾後
每於室中辭鋒不可犯皇統四年太皇妃暨諸貴戚同
疏請廣慧於北京松林禪院開堂師服勞左右未嘗少息聲
譽已振及廣慧之雲峯一日師入室廣慧舉嚴陽尊者一物

不將來底話師言下大悟超然獨脫和底踢翻更無纖月乃
有頌曰心法雙忘一性幽然超卓不同派當陽生斷千老
路舒卷縱橫得自由自茲心始靈光現前湛湛不復間斷廣
慧喟然歎曰口哉若人學道之衆無不拳拳至正隆五華廣
慧退堂於竹林師爲口僧次歲公卿大夫暨諸紫褐同疏請
開堂是日觀者如堵不可勝數但聞師子一吼群獸駭然四
方學道之士聞之輻湊衆嘗半千賢口之士日盈方丈且廣
慧通理禪師乃人天一代大宗師也師爲嗣口家風愈振至
大定戊子歲特建海會寮一位罄已所有以畢其功至六月
倏然遁去衆不及追時方暑雨弗克速邁且遊遊乎口山易

水之間漁陽郡侯賢士大夫暨禪教高士懇請住雙峯重巖院至於再三師不得已遂住焉至中冬初三日因疾中夜召知事付囑道具訖乃湯沐更衣枕肱而逝迨一七日顏色如生火後有齒清白不灰舍利可掬俗壽四十有八僧臘廿有六以次年三月窆於雙峯院之西南隅噫師之生也偉矣哉至於得衆若獨有大若虛晦而明微而著其於佛祖之道得其髓者也衆欲廣其法施於無窮故申明陳辭俾刊之茲碑爲之銘曰

達磨西來 面壁何久 一旦西歸 隻履不朽 知音
其誰 懷鑑禪師 竹林提唱 十載爲期 法音一震

靈激電馳 佛充一照 雲開霧披 四方高士 聞
之披靡 臨際一宗 於斯為美 嗟呼吾師 何去之
速 音容雖寂 清光在目 聲滿寰區 法無嗣續
靈骨依然 埋之空谷 吾師之道 雖不在言 銘之
琬琰 傳所不傳

維大金大定九年歲次己丑三月廿三日

院主 善榮 山主沙門 口奉 建

銘中法無嗣續句誤刊清光在目後來改正者年月一
行日字下空四格後人妄加九年歲三字

大明院額牒

高三尺一寸廣二尺四寸上截十一行下截之末年月一行字體大小真行字數多寡均不一在涑水累子村本寺

尚書禮部 牒

二字徑二寸

易州涑水縣累子村院僧口口狀告本院自來別無名額已

納訖口口錢數口口院名口會是實須口口者

二行字徑六分

悛奉

勅可特賜大明院悛到准

勅故牒

此三行字徑一分五十分

大定參年正月貳拾柒日令史向昇 主事安

此行字徑六分

中憲大夫行負外郎李

金大定十年

郎

中

侍

郎

此三行字徑一寸六七分

正奉大夫禮部尚書兼翰林學士承旨知制誥修國史王

此行擠寫橫廣二寸四分

大定十年村人同口三門

一字徑一寸

大覺院碑

高連額四尺五寸廣一尺九寸二十三行
行五十字字徑六分正書在固安楮林村

敕賜大覺院碑篆額

大金涿州固安縣楮林大覺院之碑

石經寺宗論善梵學沙門 義藏 撰

石經寺僧道照書刻

□□覺□□將以覺悟群生也生於西土崑國南岫香醉山
之陽歿向千餘年金山玉毫之容洪文訓詁之藉爰發蔥河
化行諸夏□□九域西及流沙東漸于海跨三韓極六戎綿
亘山川皆煙霞禪窟練若櫛比連接矧又名僧閒出其所明

道有經書數千卷皆清心釋累□要空有兼遺之宗好仁惡
殺持心蠲弊崇善為行古昔以來賢達君子刻意尚行故相
宇文公蓋中謂三家之聚環堵之室一□之地香火存焉而
况于稠人廣衆華鳩之及乎涿郡固安南二舍許厥田豐腴
物產琛麗名楮林者以其前代呼楮帛為越州□□□因植
木而名之于以見乎風俗敦教而從化也有梵宇一區前古
所立為民間請福地考叢石刻旌幢乃遼景福元年紀孫□
□□耆艾之所同建也鑽其佛書所云尊勝明言以追塵影
之力者唐李太白曰天下所立茲幢多臨于闌闌閭閻旗亭
喧囂湫隘□□□□□□□□□□□□□□□□□□□□□□
有所益唐帝又詔移諸寶

坊俾龍象興嗟仰瞻法印從來尚矣咸雍三年鎔範鑄鐘雷
隱疊閣可以□□□□□□□□□□□□□□□□
不曰壯哉

□□□□□□□□□□趙□□等閣墅重修後堂海陵貞元初
里人周彥興等重修前堂像設二季李孝忠一已命工圖繪
後堂畫像□牽起□□□□□□□□□□□□□□□□
藍神宇器用完備廩室霈然正隆末年我

應□□□□□□□□□□仁德聖孝皇帝陛下自華表 龍飛撫
安兆庶首以梵宮仙府崇奉為心量出少貲以助 經費名
于不名為佛□□□□□□□□□□□□□□□□大定四年首座道堅投

檄于春官以院額為請春官尚書翰林學士承旨太原郡
侯王競坐曹決事製佛□□□處而意合者取便而從所
欲勅可為大覺院故曰將以覺悟於群生也妙理司南於
是乎在六年初釋迦太子殿七□□□周□□□特建內藏
寶函金格工侔龍宮其道日圓其利代博若非揚懿于金石
以垂不朽卒不白天下後世無以發後人□□□者□□
□十年前陪從故山禪師坦公嘗游茲刹見諸風德說說
為道隨喜稱善于今未忘斬新如昨日事宋東坡先生高□
有云□□□律講誦其書崇飾塔廟雖吾佛之化行其亦係
乎人之行止理必而然乃作是詩

□皇覺□□群夢故 群夢雜昏覺為用故 覺若不

施夢為縱故 若微覺力愚夢重故 覺從它求為眾

共故 為從□覺□□種故 為是先覺以言動故

為當後覺能博綜故 謂一覺多一能統故 謂多覺

一同力控故 □□□思□□善故 因大覺名金石

頌故 重微覺義警尔眾故 覺後人兮同雷諷故

昔大定□□年歲次壬辰五月己巳朔十日丙辰時

建

□座講經沙門 道聖立石 同立石講經沙門 道琳

同立石周彥興妻孟氏 同立石傅德興妻高氏

檀山大覺禪院記

連額高四尺六寸廣二尺十八行行四十字字徑一寸正書在涑水西二十里

檀山十方大覺院記

篆額

涑水縣檀山十方大覺禪院之記

距涑川之西十七八里號檀山者北望嶄然列屏特起比龍蟠虎抱巖腹圍揜八達中闕□明□眺有佛屋二□初京師大昊天寺□□師駐策於茲雷□之經為人天眼久而化去維昔空山□□□□水居□□於□汲□□□□或有議曰莫若平田□□□□□□之區得以晨夕瞻依便□香火之奉不□□乎經始於比屋之南□林深□之下以厝之時耆老□

□等四十餘人□□狀疏□□□□□大□□□□師
□□□□□主□□同□并連北山□□□□初□迎之□
□□□□□師□至□□□□□□營□□□
□□□□室四周□□□□□井闢蔬圃□置□□水□
□□田□□□□□□既足□□□故□□□有林□
□□□□□□古昔以來□□□門林□□□□□□
□□□□□□以□□□□大定□□□佛宇入□□名□
師□比圃惠性授□□□□□□□□□□□□□□
□□□□□□□□□□□□□□□□□□□□□□
老□□□□□□□□□□□□□□□□□□□□□□
□□□□□□□□□□□□□□□□□□□□□□□
□□□□□□□□□□□□□□□□□□□□□□□
□□□□□□□□□□□□□□□□□□□□□□□
□□□□□□□□□□□□□□□□□□□□□□□
□□□□□□□□□□□□□□□□□□□□□□□

下後世將恐□□□□□□□□□□□□□□□□無不□□爲
之記

大定十二年八月□□日